



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno V. usque ad X.

Luxemburgi, 1748

CCLVII. Commissio Archiepiscopo Mexican., ut declaret Tertiarios Ord. FF.
B. Mariæ de Monte Carmelo Discalceatorum nuncupator. Congregationis
Hispaniæ aliis Ordinibus adscriptos omnium Ordinum ...

[urn:nbn:de:hbz:466:1-75393](https://nbn-resolving.org/urn:nbn:de:hbz:466:1-75393)

alia roboratis statutis, & consuetudinibus; privilegiis quoque, Indultis, & Literis Apostolicis eisdem Ordinibus, Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis, etiam si de illis eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum tenores presentibus pro sufficienter expressis, ac formam in eis traditam pro servata habentes, hac vice specialiter, nominatim, & expresse ad effectum praemissorum derogamus, ceterisque contrariis quibuscumque.

§. 11. Ut autem praesentes nostrae, quae ad singula loca deferri non possunt ad omnium notitiam facilius deveniant, volumus, ut eandem praesentium transumptis, vel exemplis etiam impressis manu alicujus Notarii publici subscriptis, & sigillo personae in dignitate Ecclesiastica constitutae munitis, ubique locorum, ut praefertur, eadem prorsus fides habeatur, quae haberetur ipsis praesentibus, si forent exhibita, vel ostensa.

Datum Romae apud S. Mariam Majorem sub Anno Piscatoris die 25. Aprilis 1739. Pontificatus nostri Anno nono.

D. Card. Passioneus.

Transumptis
danda fides.

Dat. die 25.
Aprilis 1739.
An. IX.

CCLVII.

Commissio Archiepiscopo Mexican., ut declararet Tertiarios Ord. FF. B. Mariae de Monte Carmelo Discalceatorum nuncupatorum Congregationis Hispaniae aliis Ordinibus adscriptos omnium Ordinum promiscue Indulgentis uti posse.

CLEMENS PP. XII.

Ad futuram rei memoriam.

§. 1. **N**uper pro parte dilecti filii Vincentii a Conceptione Fratris expresse professi, ac Procuratoris Generalis Ordinis B. Mariae de Monte Carmelo Discalceatorum nuncupatorum Congregationis Hispaniae Nobis expositum fuit, quod in quamplicitis ex Conventibus Ordinis, & Congregationis hujusmodi in Indiis existentibus in vim privilegiorum eidem Ordini a fel. rec. Nicolao V. & Bonifacio VIII. concessorum, & a Sixto IV. & Clemente idem VIII. Romanis Pontificibus Praedecessoribus nostris confirmatorum tertius Ordo ejusdem B. Mariae erectus, & institutus reperitur.

§. 2. Verum quia non pauci ex Tertiariis praedictis Tertio Ordini Fratrum Minorum S. Francisci adscripti existunt, in Oppido Civitate nuncupata de Toluca Mexican. Diocesis dubium excitatum fuit, an Tertiarii utriusque Ordinis hujusmodi Indulgentiis, gratiisque spiritualibus promiscue frui possent, & licet primodicti Ordinis, & Congregationis Superiores nullam in hac re difficultatem haberent, nihilominus Tertiarii ejusdem S. Francisci absque ulla ratione non solum contradicere, verum etiam ex eorum libris omnes illos, qui Tertio Ordini B. Mariae hujusmodi adscripti erant, deleri ausi fuerunt. Quare dicti Tertiarii B. Mariae de Monte Carmelo, qui saeculares existunt, & privilegio fori minime gaudent, sed tantummodo Indulgentiarum, & gratiarum spiritualium indulto fruuntur, ea de causa ad Venerabilem Fratrem modernum Archiepiscopum Mexican. recursum habuerint, qui auditis rationibus hinc inde deductis, consideransque charitatem, piisque devotionem Christianissimam erga Regulares Ordines non esse restringendam, sed omnibus ad animarum salutem modis amplificandam, mandavit Tertiarios B. Mariae praedictos reintegrandos.

Huic se
adscribere
nonnulli
Tertiarii
Ordinis S. Francisci,
qui
cum ex hoc
Ordine
expuncti forent
a Superioribus,
recursum
habuerunt
ad
Archiepiscopum
Mexican.

Archiep. declaravit,
illos esse reintegrandos.

grandos, & Tertio Ordini S. Francisci, unde delicti fuerant iterum adscribendos esse.

§. 3. Quamvis autem mandatis praedictis Tertiarii S. Francisci praedicti paruerunt, excitataque controversia utrinque composita fuerunt, tamen dictus Vincentius Procurator Generalis ad auferendas perturbaciones, confusionesque, quae ea super re in posterum exoriri possent, Instituto Ordinis, & Congregationis hujusmodi hoc unum spectanti, ut ejusdem Ordinis, & Congregationis Tertiarii quodcumque aliud medium ad illorum salutem conducens suscipiant, & in illo perseverent, inhaerens, Tertiarios utriusque Ordinis, sive alteri, ex dictis, sive cujuscumque alii adscriptos omnibus Indulgentiis, & gratiis spiritualibus promiscue gaudere per Nos declarari plurimum desideret. Nobis propterea humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

§. 4. Nos igitur piis ejusdem Vincentii Procuratoris Generalis votis hac in re, quantum cum Domino possumus, annuere volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innotatus exiit, ad effectum praesentium duntaxat consequendum, harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini interpretum, ad quos supplicem libellum Nobis porrectum remisimus, qui dilectum filium modernum Procuratorem Generalem Ordinis Fratrum Minorum S. Francisci de observantia nuncupatorum, audierunt, consilio, eidem moderno, & pro tempore existenti Archiepiscopo Mexicano per praesentes committimus, & mandamus, ut veris existentibus narratis, ad supradictam declarationem juxta petita, auctoritate nostra Apostolica pro suo arbitrio & conscientia gratis deveniat, salva tamen semper in praemissis auctoritate Congregationis eorumdem Cardinalium.

§. 5. Decernentes easdem praesentes literas firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & in futurum spectabit, plenissime suffragari, & ab eis inviolabiliter observari; Sicque in praemissis per quoscumque Judices Ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 6. Non obstantibus Constitutionibus, & Ordinationibus Apostolicis, necnon quatenus opus sit Ordinum praedictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores presentibus pro plene, & sufficienter expressis ac de verbo ad verbum insertis habentes, illis alias in suo robore permanens, hac vice duntaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Anno Piscatoris die 13. Maii 1739. Pont. nostri Anno IX.

Procurator
Generalis
Discalceato-
rum hanc
sententiam
a Pontifice
petit confir-
mari.

De consilio itaque
Congregationis
Concilii committit
Clemente
d. Archiep. ut praefatam
declarationem publi-
cet.

Haec Literas perpetuo
praecipit ob-
servari.

Derogatio
contrario-
rum.

Dat. die 13.
Maii 1739.
An. IX.

CCLVIII.

Subsectio Militiæ Beatæ Mariæ de Montefia Con-
silio Ordinum a Rege Catholico instituto.

C L E M E N S P P. XII.

Ad perpetuam rei memoriam.

Adrianus
VI. & Six-
tus V. Regi-
bus Catholi-
cis Militia-
rum de Spa-
tha, de Al-
cantara, de
Calatrava,
& de Mon-
tefa admini-
strationem,
& regimen
committere.

Extincto
Consilio Re-
gni Arago-
niæ Philip-
pus V. Mi-
litiam de
Montefa
Consilio Or-
dinum uni-
vit.

Ac per Præ-
fidentem di-
cti Consilii
cum pecu-
liaribus Dif-
finitionibus
gubernari
voluit.

§. 1. **N**uper pro parte Charissimi in Christo filii nostri Philippi Hispaniarum Regis Catholici nobis expositum fuit, quod dudum fe. re. Adrianus Sextus per quasdam suas sub Plumbo quarto Nonas Maii anni 1522. administrationem militiarum S. Jacobi de Spatha, de Calatrava, & de Alcantara Regno Castellæ, & Legionis; ac Sixtus V. Romani Pontifices Prædecessores nostri per suas itidem sub Plumbo die 15. Martii 1577. expeditas literas alterius militiæ Beatæ Mariæ de Montefa filialis supradictæ de Calatrava Regno Aragoniæ, seu illorum Regi pro tempore existenti nonnullis tunc expressis causis perpetuo conjunxerunt, & incorporarunt, ac omnimodam facultatem, & potestatem, ea quæ dictarum militiarum spiritualia concernerent, per personas supradictarum omnium militiarum regulares per eisdem Castellæ, & Legionis, ac Aragoniæ Reges ad illorum nutum amovibiles deputandas, probe, & laudabiliter exercere facere deberent, & tenerentur; Quibus sic deputatis personis omnia, & singula, quæ dictarum omnium Militiarum Magistri, etiam pro tempore existentes in eisdem spiritualibus de Jure, consuetudine, aut alias quomodolibet facere, gerere, exercere, disponere, mandare, ordinare, & exequi poterant, & consueverant faciendi, gerendi, exercendi, mandandi, disponendi, ordinandi, & exequendi etiam perpetuo tribuerant, & alias prout in eorundem Adriani, & Sixti Prædecessorum expeditis literis, quarum tenores, præsentibus pro expressis haberi volumus, uberius dicitur contineri. Militia vero Beatæ Mariæ de Montefa hujusmodi ad usque annum 1707., in quo memoratus Philippus Rex Consilium Regni Aragoniæ in Civitate Valentie erectum, per quod militia hujusmodi administrabatur penitus extinxit, abrogavitque, aliter, atque supradictæ militiæ gubernabantur, administrata fuit. Præterea Regia Aragoniæ, & Valentie iisdem absque ulla differentia legibus, quibus Regnum Castellæ regitur, ceperunt moderari. Idem Philippus Rex Clientas, seu dependentias dictæ Militiæ Beatæ Mariæ de Montefa Regis Ordinum hujusmodi consilio univit, & incorporavit, & ad dictum Ordinum Consilium cognitionem rerum temporalium militiæ hujusmodi, & ad illius Assessorum Generalem rerum spiritualium, prout antea Consilium Aragoniæ antequam suppressum fuisset, peragebat, spectare voluit, & totum id usque ad obitum tunc in humanis agentis Vincentii Monferrat ultimi Assessoris Generalis Militiæ de Montefa hujusmodi permanfit.

§. 2. Quoniam autem d. Philippus Rex exoptans, ut dicta Militia B. Mariæ de Montefa tam in spiritualibus, quam in temporalibus, prout alia supradictæ Militiæ gubernentur, cum hujus tamen Militiæ particularium Diffinitionum observantia in posterum, extincto tamen illius assessoris Generalis officio, administraretur, ac propter reductionem Regnorum Aragoniæ, & Valentie gubernio Castellæ, ut præmittitur, administratio Militiæ Beatæ Mariæ de Montefa hujusmodi Regio Ordinum consilio, prout alia supradictæ Militiæ existunt, tam in spiritualibus, quam in temporalibus, tum pro decisione causarum ad eandem Militiam spectantium, tum pro modo nominandi informantes, ac videndi, & decidendi probationes Militiæ hujusmodi, necnon mandandi pro reliquis ordinationibus, quas dictus Philippus Rex expedire ju-

dicaverit, absolute subiecta remaneat, & in Civitate Valentie Tribunal locumtenentis Generalis dictæ Militiæ cum qualitate substituti seu dependentis in omnibus, & per omnia dicti Regii Consilii Ordinum cum observantia illius particularium Diffinitionum, sicut præmittitur, remanere debeat, cum conditione, quod Præfident, seu Gubernator Regii Consilii Ordinum hujusmodi inter Ministros dicto Consilii aliquem ex Fratribus militibus expresse professis Militiæ hujusmodi, qui dicto Consilio Regis, & negotiis in eo tractandis necessario interfint semper admittendum, & retinendum curet, proinde ipse Philippus Rex officium Assessoris Generalis Militiæ hujusmodi tam in spiritualibus, quam in temporalibus in posterum prout aliarum primordiarum Sancti Jacobi, Calatrava, & Alcantara Militiarum cum supra expressis conditionibus ad dictum Consilium Ordinum spectare, & ad hunc effectum prædictæ Sixti, seu aliorum Romanorum Pontificum Prædecessorum Nostrorum Constitutionibus derogari plurimum desiderat.

§. 3. Nobis propterea ejusdem Philippi Regis nomine fuit humiliter supplicatum, ut in præmissis opportune providere, & ut infra indulgere de benignitate Apostolica dignaremur.

§. 4. Nos igitur piis ejusdem Philippi Regis votis hac in re quantum cum Domino possumus benigne consulere, ipsumque Philippum Regem specialibus favoribus, & gratis prosequi volentes, hujusmodi supplicationibus inclinati de Venerabilium Fratrum Nostrorum S. R. E. Cardinalium Concilii Tridentini Interpretum, ad quos supplicem libellum nobis porrectum remisimus, qui votum dilecti filii nostri Ludovici S. R. E. prædictæ Presbyteri Cardinalis Belluga nuncupati, ad hujusmodi negotium examinandum ab eisdem Cardinalibus deputati perpenderunt, consilio, officium Assessoratus Generalis Militiæ Beatæ Mariæ de Montefa cum omnibus, & singulis facultatibus, auctoritate, præminentia, jurisdictione, dependentia, annexis, & connexis ad effectum præsentium spectantibus, & pertinentiis, quibus Assesores Generales pro tempore existentes Militiæ hujusmodi ante deputati uti fuerunt, auctoritate Apostolica tenore præsentium abolemus, revocamus, cassamus, irritamus, & annullamus, viribusque, & effectu penitus, & omnino vacamus, ac ex nunc pro tunc revocatas, cassatas, irritas, & annullatas existere, & fore decernimus, & declaramus, eandemque Militiam Beatæ Mariæ de Montefa hujusmodi in futurum tam quoad temporalia, quam quoad spiritualia gubernari a Consilio aliarum supranunciarum Militiarum, & ad instar illarum cum præfervationibus supra expressis, auctoritate, & tenore prædictis præcipimus, volumus, & mandamus; Ita tamen, ut assistentia Fratris Militis expresse professi dictæ Militiæ de Montefa cum regis Ministris memorati Consilii Ordinum esse debeat suffragando cum eisdem quin pro diversitate negotiorum ejus assistentia variari possit. Salva tamen semper in præmissis auctoritate Congregationis eorundem Cardinalium.

§. 5. Decernentes eandem præfentes literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit plenissime suffragari, & ab eis respective inviolabiliter observari; sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores, ac ejusdem S. R. E. Cardinales, etiam de latere Legatos, ac Apostolicæ Sedis Nuncios, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Et Pontifi-
ci supplicat
pro hujus
stabilimenti
approbatio-
ne.
Petitis an-
nuit Ponti-
fex.

Sicque sem-
per, & ubi-
que servari
præcipit.

§. 6. Non